

Saksprotokoll i fylkestinget - 29.09.2020

John Andre Kongsvik (H) sette fram slikt forslag:

«Alternativ:

1. Vestland fylkeskommune innfører fritt skolevalg.
2. Inntaket skal være karakterbasert.
3. De gamle fylkesgrensene skal ikke gjelde ved inntak til videregående skoler.»

Avrøysting

Kongsvik sitt forslag fekk 25 røyster (H, Frp, FNB, PP) og fall.
Innstillinga vart vedteke mot 25 røyster (H, Frp, FNB, PP).

Vedtak

1. Fylkestinget vedtar framlegg til lokal forskrift for inntak og formidling for Vestland fylkeskommune, datert 19.08.2020
2. Fylkestinget vedtar nærskulematrise for Vestland fylkeskommune, datert 19.08.2020, med følgjande endringar:

Elever frå Gulen får i tillegg nærskulepoeng til Knarvik vgs
Elevar fra heile Alver får nærskulepoeng til Bergen
Elevar frå Vik får i tillegg nærskulepoeng til Voss
Elevar frå tidlegare Balestrand kommune får i tillegg nærskulepoeng til Høyanger.

3. Nærskulematrisa evaluerast kontinuerleg, og utilsikta, negative konsekvensar skal rettast så fort som mogleg gjennom politisk vedtak.

Hovudutval for opplæring og kompetanse gis fullmakt til å gjere eventuelle justeringar i nærskulematrisa. Justeringar i matrisa skal ivareta dei overordna intensjonane i den nye inntaksmodellen.

4. Fylkestinget ønskjer ei særleg evaluering av inntaksregion stor-Bergen. Evalueringa må gje ei grundig vurdering av konsekvensane av den nye modellen, særleg for elevar busett i Bergen med lågare karaktersnitt. Om mogleg ønskjer fylkestinget at ei slik utgreiing lagast med bruk av simulerte opptak, og at utgreiinga kan handsamast hausten 2020.

5. Fylkestinget legg til grunn at denne inntaksforskrifta ikkje får konsekvensar for toppidrettstilbodet i Vestland. Fylkestinget kjem attende til organisering av toppidrettstilbodet og inntaket til dette etter at sak om opplæringstilbod 2021-2022 er handsama.

Reisetidsgaranti

Ingen elevar skal reise unødig langt, og difor meiner vi det skal utredast ein reisetidsgaranti i Vestland.